



28. november 2023

Aqqalu C. Jerimiassen

Inatsisartut suleriaasianni § 37 imm. 1 naapertorlugu Naalakkersuisunut apeqquut imaattoq matumuuna saqqummiuppara.

**Naalakkersuisunut apeqquutit:**

- 1. Naalakkersuisut tappiitsunut isigiarsuttunullu siunnersuisarnerup 1. januar 2022 unitsinneqarnerata kingorna kommuninut atuarfeqarfinnullu siunnersuisarnerup aallartisaqqinnissaanik pilersaaruteqarpat?**
- 2. Naalakkersuisut tappiitsunut isigiarsuttunullu siunnersuisarnermut suliaq aallartisaqqissappassuk siornatigut Refsnæs Syncenterimiit siunnersuisarnikkut suliarineqartarsimasoq kikkut akisussaaffigilissavaat?**

(Inatsisartuni ilaasortaq Aqqalu C. Jerimiassen, Atassut)

**Tungavilersuut:**

2021 naanissaa tikillugu kommuuninut atuarfeqarfinnullu tappiitsut isigiarsuttullu ikiorniarlugit Syncenter Refsnæs siunnersuisuusarsimapput. Massakkullu ukiut marlunngorluinnalerpaat meeqqat inuusuttullu 23-usut siunnersorneqarsinnaasimanatik.

Tappiitsut isigiarsuttullu peqatigiiffiat ISI naapertorlugu meeqqat atuarfiini 17-it maanna siunnersuisussaarteqqapput, innarluuteqartullu 18-niit 21-it tikillugit ukiullit arfinillit aamma siunnersuisussaaleqillutik. Taamaammallu paaserusunnarsivoq Naalakkersuisut qanoq qaqugulu iliuuseqassanersut.